

Adresa:

Ul. Hamdije Čemerlića 39a
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj:

UP-1/21-3-40-525-8/23

Datum:

29.3.2024. godine

„Agencija za vodno područje rijeke Save“ Sarajevo rješavajući po zahtjevu pravnog lica „KR PETROL“ d.o.o. Velika Kladuša, za izdavanje vodne dozvole za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, izgrađenog u naselju Podzvizd, općina Velika Kladuša, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE o vodnoj dozvoli

1. Daje se vodna dozvola pravnom licu „KR - PETROL“ d.o.o. Velika Kladuša, za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Podzvizd, na zemljištu označenom kao k.č. broj: 985/2 k.o. Podzvizd (podaci novog premjera), što po starom katastarskom operatu predstavlja k.č. broj: 161/1 k.o. Podzvizd, općina Velika Kladuša.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta benzinske pumpne stanice sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - Da korisnik predmetnog objekata, u toku važenja ovog Rješenja, realizira dostavljeni dinamički plan sa finansijskom procjenom ulaganja (Prilog A), odnosno da izvede radnje predviđene revidovanom investiciono-tehničkom dokumentacijom, Aneksom glavnog projekta benzinske pumpe sa pratećim sadržajima - vanjske instalacije VIK - (po primjedbama revizije) urađen od strane Zavoda za vodoprivredu d.d. Sarajevo decembra 2012. godine, u Sarajevu te revidiran od strane pravnog lica ES HYDROTECHNICS d.o.o. Sarajevo pod brojem O-01-002/13, dana 08.01.2013. godine, u Sarajevu, odnosno:
 - Izvršiti odvodnju fekalnih otpadnih voda prema priloženoj projektnoj dokumentaciji, odnosno, zatvoriti cijevni vod fekalne odvodnje prema separatoru ulja i masti te ga izvesti direktno u septik, koji ne smije imati preliv,
 - Izvršiti odvodnju čistih oborinskih voda sa krova nadstrešnice iznad aparata za pretakanje goriva i krova maloprodajnog objekta na način kako je to dato priloženim projektom, odnosno, cijevni vod oborinske odvodnje prema separatoru ulja preusmjeriti direktno ka upojnom bunaru, a sve kako bi se smanjilo opterećenje na separatoru,
 - Izvršiti odvodnju onečišćenih oborinskih voda sa internih saobraćajnih i pretakališnih površina na način kako je to dato priloženim projektom, odnosno izvršiti zamjenu tokomornog separatora ulja i masti ugradnjom separatora ulja i masti sa koalescentnim filterom i automatskim zatvaračem u skladu sa EN 858, kapaciteta 15 l/s sa prelivom uvedenim u upojni bunar i ugrađenim oknom za monitoring izmedu separatora i upojnog bunara.
 - 3.3. Skladištenje nafte i naftnih derivata vršiti u podzemnim dvoplašnim rezervoarima, sa primjenom sistema automatske dojava o procurenju međuplašnog prostora, ukupnog kapaciteta 150 m³ (3x50 m³).

- 3.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
- 3.5. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20 i 1/24).
- 3.6. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent – cestovni kanal.
- 3.7. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.8. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH“, broj 14/10, 14/13, 26/14, 23/17 i 41/20).
- 3.10. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.12. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „KR - PETROL“ d.o.o. Velika Kladuša je dužan provoditi sve mjere i aktivnosti propisane istom.
6. Korisnik predmetnog objekta je dužan, u skladu sa članom 26 a. stav (1) Uredbe o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 1/24), na obrascu iz Priloga B Uredbe, izvještavati ovu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, i to:
 - Prvi put nakasnije do 31.12.2024. godine,
 - Drugi put nakasnije do 30.06.2025. godine.

Na osnovu navedenih izvještaja, ova Agencija će, u skladu sa članom 26 a. stav (2) Uredbe, sačiniti sumarni izvještaj, na obrascu iz Priloga C Uredbe i dostaviti ga Federalnom ministarstvu poljoprivrede, vodoprivrede i šumarstva, najkasnije mjesec dana po isteku naprijed navedenih rokova, koji će biti javno dostupni na web stranicama navedenih ministarstava najkasnije u roku od 10 dana od dana prijema sumarnih izvještaja.

7. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24) se daje sa rokom važenja do 30.06.2026. godine.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
12. Ukoliko nosilac prava iz ove vodne dozvole u toku važenja iste, ne ispuní uslove propisane dispozitivom ovog rješenja i ne zadovolji propisane kriterijume koji se odnose na parametre kvaliteta tehnoloških otpadnih voda navedenih u tački 3.2. dispozitiva, ne može u skladu sa važećom legislativom dobiti produženje roka ili novo odobrenje za ispuštanje tehnoloških otpadnih voda.

Obrazloženje

Pravno lice, „KR - PETROL“ d.o.o. Velika Kladuša, obratilo se ovoj Agenciji dana 17.11.2023. godine (zaprimljen dana 22.11.2023. godine) zahtjevom, broj: 1281/23, za izdavanje vodne dozvole za ispuštanje onečišćenih oborinskih voda sa lokacije objekta benzinske pumpne stanice izgrađenog u naselju Podzvizd, na zemljištu označenom kao k.č. broj: 985/2 k.o. Podzvizd (podaci novog premjera), što po starom katastarskom operatu predstavlja k.č. broj: 161/1 k.o. Podzvizd, općina Velika Kladuša.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Rješenje o izmjenama podataka; izdano dana 15.6.2022. godine, od strane Općinskog suda Bihaću pod brojem 017-0-Reg-22-000401 (ovjerena kopija),
- Uvjerenje o registraciji poreznog obveznika, izdano dana 04.07.2022. godine, od strane Federalnog ministarstva financija - finansija, Porezne uprave Federacije Bosne i Hercegovine, Kantonalnog poreznog ureda BIHAĆ (ovjerena kopija),
- Uvjerenje o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-1975-2/22, izdano od strane Uprave za indirektno – neizravno oporezivanje Bosne i Hercegovine, dana 02.08.2022. godine, U Banjaluci,
- Rješenje, kojim se daje urbanistička saglasnost Rizvić (Ibrahim) Bajri iz Podzvizda, općina Velika Kladuša, za izgradnju benzinske pumpe sa pratećim sadržajima u naselju Podzvizd na zemljištu označenom pod k.č. br. 985/2 K.O. Podzvizd, a u skladu sa Prostornim planom Opštine Velika Kladuša („Sl. Glasnik Opštine Velika Kladuša“, br. 11/86); izdano od strane Odjeljenja za urbanizam Službe prostornog uređenja i resursa općine Velika Kladuša pod brojem 05/1-23/1-239/2003 G/M, dana 27.10.2003. godine (kopija),
- Rješenje, kojim se mijenja stav 1. dispozitiva rješenja br. 05/1-23/2-14/2004 od 11.02.2004. godine kojim je izdano odobrenje za izgradnju objekta benzinske pumpe sa pratećim sadržajima u Podzvizdu, na zemljištu označenom pod k.č. br. 985/2 K.O. Podzvizd po novom, a k.č. br. 161/1 K.O. Podzvizd po starom premjeru, i glasi: odobrava se Rizvić Ale Seniji iz Rajnovca, da kao investitor može početi sa izgradnjom benzinske pumpe sa pratećim sadržajima u Podzvizdu, na zemljištu označenom kao k.č. br. 985/2 K.O. Podzvizd i k.č. br. 161/1 K.O. Podzvizd po starom premjeru, pod uslovom da se pridržava ovjerene projektne dokumentacije, datih urbanističkih uslova i pribavljenih pojedinih saglasnosti; izdano od strane Općinskog načelnika Općine Velika Kladuša pod brojem 05/2-23/2-1234/06, dana 23.06.2006. godine, u Velikoj Kladuši,
- Izvještaj o monitoringu kvaliteta i kvantiteta otpadnih voda „KR PETROL“ d.o.o. Velika Kladuša; urađen od strane TQM d.o.o. Lukavac pod brojem 7-093-997/23, dana 24.02.2023. godine (kopija),
- nalog za plaćanje upravne pristojbe (kopija),
- Rješenje, kojim se odobrava Rizvić (Ibrahim) Bajri iz Podzvizda, općina Velika Kladuša, da kao investitor može početi sa izgradnjom benzinske pumpe sa pratećim sadržajima u naselju Podzvizd, općina Velika Kladuša na zemljištu označenom kao k.č. broj 985/2 K.O. Podzvizd po novom i k.č. br.

- 161/1 zk.ul.br. 1028 K.O. Podzvzd po starom premjeru, pod uvjetom da se pridržava ovjerene tehničke dokumentacije, datih urbanističko-tehničkih uvjeta i pribavljenih saglasnosti; izdano od strane Odjeljenja za urbanizam Službe prostornog uređenja i resursa općine Velika Kladuša pod brojem 05/1-23/2-14/2004 G/M, dana 11.02.2004. godine (kopija),
- Rješenje o vodnoj dozvoli, kojim se daje vodna dozvola pravnom licu „TRI BRATA“ d.o.o. Velika Kladuša, za promet opasnih materija kao i proizvoda od tih materija koje nakon upotrebe dospijevaju u vode te ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Podzvzd, na zemljištu označenom kao k.č. broj: 985/2 K.O. Podzvzd (novi katastarski operat), odnosno k.č. broj 161/1 K.O. Podzvzd (stari katastarski operat), općina Velika Kladuša, izdano od strane Agencije za vodno područje rijeke Save Sarajevo pod brojem UP-I/25-3-40-303-6/18, dana 22.08.2018. godine (kopija),
 - e-mail o dopuni podneska zahtjeva od 12.1.2024. godine (kopija),
 - zemljišnoknjižni izvadak, Zemljišnoknjižni uložak broj: 183, katastarska općina: PODZVZD, BROJ: 023-0-NAR-24-000 097; izdan od strane Zemljišnoknjižnog ureda Općinskog suda u Velikoj Kladuši, dana 11.01.2024. godine (kopija),
 - ugovor o prijenosu udjela u društvu sa ograničenom odgovornošću „TRI BRATA“ Velika Kladuša, zaključen sa vlasnikom firme TRI BRATA d.o.o., Elvirom Rizvićem i njegovom suprugom Helenom te Edinom Saračević, na koju se prenosi vlasništvo firme, zaključen dana 04.06.2022. godine u Velikoj Kladuši, ovjeren od strane notara Nerbise Mržljak pod OPU-OV-1409/2022 (kopija),
 - zapisnik o inspekcijskom nadzoru; urađen od strane Kantonalnog tržišno turističkog inspektora Kantonalne uprave za inspekcijske poslove Bihać pod brojem UP-1-17-16-00002/23-1020-P-1020-001-P, dana 17.1.2023. godine, u Velikoj Kladuši, kojim se konstatira upis u sudski registar podnosioca zahtjeva (KR-PETROL d.o.o. Velika Kladuša), promjena naziva društva, prenos udjela u društvu i promjena lica za zastupanje društva, koje je ranije poslovalo pod nazivom d.o.o. „Tri brata“ Velika Kladuša te prenos udjela vlasništva sa ranijeg člana Elvira Rizvića (kopija),
 - darovni ugovor, kojim Rizvić Bajro svojoj supruzi Rizvić Seniji daruje nekretnine: - po novon premjeru upisane u PL 601/01 K.O. Podzvzd u dijelu 1/1 na ime darodavca i označena kao: - k.č. 985/2 „Dundarište“, njiva 5 klase površine 2981/m² – po starom premjeru upisane u dijelu vlasništva 1/1 na ime darodavca i označene kao: - k.č. 161/1 oranica „Dundarište“ ZK uložak 1175 K.O. Podzvzd; zaključen dana 03.03.2005. godine u Velikoj Kladuši (kopija)
 - ovjera ugovora (na osnovu rješenja) od strane Federalnog ministarstva financija – Porezne uprave – Kantonalni ured Bihać – Ispostava Velika Kladuša, kojim se oslobađa plaćanja poreza na naslijeđe i poklon; broj: 10-1/04-15-4-284/05 od 03.03.2005. godine (kopija),
 - zahtjev za upis vlasništva prema Zemljišnoknjižnom uredu Općinskog suda u Velikoj Kladuši, od 04.03.2005. godine (kopija),
 - rješenje o uknjižbi prava svojine u zk.ul.br. 1175 k.o. Podzvzd u A listu (naime k.č. 161/1 oranica u površini od 2981 m² Bajre Rizvića iz Podzvzda u korist Senije Rizvić kći Ale iz Podzvzda sa udjelom 1/1; izdano od strane Općinskog suda u Velikoj Kladuši pod brojem DN: 126/05, dana 14.03.2005. godine (kopija),
 - rješenje, kojim se Rizvić Senija kći Ale iz ul. Podzvzd bb, Općina Velika Kladuša oslobađa poreza na naslijeđe i poklon; izdano od strane Federalnog ministarstva financija – Porezne uprave – Kantonalni ured Bihać – Ispostava Velika Kladuša, kojim se oslobađa plaćanja poreza na naslijeđe i poklon; broj: 10-1/04-15-4-284/05 od 03.03.2005. godine (kopija),
 - Aneks glavnog projekta benzinske pumpe sa pratećim sadržajima - vanjske instalacije ViK - (po primjedbama revizije) urađen od strane Zavoda za vodoprivredu d.d. Sarajevo decembra 2012. godine, u Sarajevu te revidiran od strane pravnog lica ES HYDROTECHNICS d.o.o. Sarajevo pod brojem O-01-002/13, dana 08.01.2013. godine, u Sarajevu (na uvid - vraćen uz obavijest o dopuni podneska zahtjeva, broj: UP-1/21-3-40-525-6/23, dana 24.1.2024. godine),
 - Zaključak o visini i roku za plaćanje posebnih troškova u postupku izdavanja vodnog akta; izdan od strane Agencije za vodno područje rijeke Save pod brojem UP-1/21-3-40-525-2/23, dana 05.12.2023. godine te kopija naloga za plaćanje istih,
 - Popratni akt o dopuni podneska zahtjeva od 04.03.2024. godine,
 - Odluka o izmjeni i dopuni odluke o osnivanju, kojom se povećava kapital društva unosom u vlasništvo pravnog lica građevinskog zemljišta i građevinskog objekta, potpisan a od strane osnivača društva Rizvić Senije, pod brojem 1588/05, dana 25.03.2005. godine (kopija),
 - Detaljan dinamički plan po godinama, sa aktivnostima, finansijskom procjenom i rokovima za izgradnju i rad sistema za prikupljanje, tretman i ispuštanje tehnoloških otpadnih voda do 30.06.2026. godine.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled izgrađenog poslovnog objekta benzinske pumpne stanice sa pratećim sadržajima i tom prilikom sačinjen zapisnik o uviđaju broj: UP-1/21-3-40-525-4/23 od 27.12.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je slijedeće:

Poslovni objekt benzinske pumpne stanice sa pratećim sadržajima „KR - PETROL“ d.o.o. Velika Kladuša, je izgrađen u naselju Podzvizd, općina Velika Kladuša.

Objekat se sastoji od nadstrešnice iznad aparata za istakanje goriva sa maloprodajnim mjestom, marketom i kafe barom, sanitarnim i upravnim prostorijama, spremnika za gorivo, separatora, internih saobraćajnih i parkirnih površina te zelenila.

Gorivo se dovozi autocisternama i pretače u tri ukopana dvoplašna spremnika, kapaciteta 150 m³ (3x50). Sanitarne otpadne vode iz maloprodajnog objekta su kanalizacionim cijevima sprovedene do septika sa prelivom u otvoreni kanal. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom na sistem odvodnje oborinskih voda, odnosno u separator ulja i masti. Oborinske vode sa internih saobraćajnih i manipulativnih površina koje su asfaltirane i nivelisane, a koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka slivnicima i linijskim slivnim rešetkama te cijevnim sistemom odvede do trokomornog betonskog separatora ulja i masti na potreban tretman. Oborinske vode sa betoniranih pretakališnih površina se nivelacijom istih ka linijskim slivnim rešetkama prikupljaju i odvede, također do betonskog trokomornog separatora ulja i masti na potreban tretman. Preliv iz separatora je izveden u septik, a preliv iz septika u otvoreni kanal na zemljištu podnosioca zahtjeva.

Objekt se snabdijeva vodom, za sanitarne i protiv požarne potrebe, priključkom na javni gradski vodovodni sistem.

Projektna dokumentacija, zahtjevana prehodno izdanim vodnim aktom je urađena te je na osnovu iste urađen dinamički plan sa procjenom finansijskih ulaganja, a sve kako bi se sistem za prikupljanje, tretman i ispuštanje otpadnih voda doveo u funkcionalno stanje.

Podnosilac zahtjeva radi monitornog otpadnih voda te je priložio izvještaj o monitoringu rađen februara ove godine, čiji su rezultati u skladu sa dozvoljnim vrijednostima parametara, propisanih Uredbom.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „KR-PETROL“ d.o.o. Velika Kladuša, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „KR - PETROL“ d.o.o. Velika Kladuša, Podzvizd bb, 77 232 Podzvizd,
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava